

誠

齋

集

五

誠齋集卷第十七

廬陵楊

萬里

秀廷

詩

南海集

南雄驛前雙柳

外計堂前柳絕奇
南中無此兩渦絲
午風不動休嫌暑
要着技技自在垂

南雄解舟

一昨春江上水船
即非上水是登天
如今下瀨江無水
始信登天却易然

過建封寺下連魚灘

江收衆水赴單槽石壁當流闊雪濤將取危舟飛
過去黃頭卽只兩三篙
夢裡篙師忽叫灘老夫驚殺起來看前船過盡知
無慮末後孤舟膽自寒

六月十八日立秋送客夜歸兩作

青天赤日更黃埃迎送紛紛正徃來一夜炎蒸無
計奈三更風雨領秋回人生作底禁寒暑世事何
如付酒盃遮莫髯間點霜雪何曾筆下減瓊瑰

送廣帥秩滿之官丹陽

北門卧護要耆英小試胸中十萬兵天借金山吟
落月身兼鉄麕作長城何如嶺上因歸路摘取梅
酸去作羹已有紫泥教詣闕便應留住付鈞衡
南海元戎禁從臣却昇北斗捧星辰回頭五嶺忽
千里屈指十賢添一人笑別廣平堂下月歸看太
極殿前春一尊話別端何有綠水青山更白雲

晚步

晚暑無涼可得尋小風一點尉人心斜陽碎入高
榕葉翻作青瑤覆作金

寄題臨武知縣李子西公廨君子亭

王家喚竹作此君周家喚蓮作君子泥中懷玉避
俗塵水上開花超大地紅裳翠蓋在眼中欲往從
之隔秋水牡丹貴人非吾徒籬菊隱士堪鄰居李
侯岸巾對芙蓉不寄新詩來起予

謝木韞之舍人分送講筵賜茶

吳綾縫囊染菊水蠶砂塗印題進字淳熙錫貢新
水芽天珍誤落黃茅地故人鸞渚紫微郎金華講
徹花草香宜賜龍焙第一綱殿上走趨明月璫御
前吸罷三危露滿袖香煙懷壁去歸來拈出兩蛇
蛭雷電晦冥驚破柱北苑龍芽內樣新銅圍銀範

鑄瓊塵九天寶月霏五雲玉龍雙舞黃金鱗老夫
平生愛煮茗十年燒甯折脚鼎下山汲井得甘冷
上山摘芽得苦硬何曾夢到龍游窠何曾夢喫龍
芽茶故人分送玉川子春風來自玉皇家鍛圭推
璧調冰水烹龍庖鳳搜肝髓石花紫笋可衙官赤
印白泥牛走爾故人氣味茶樣清故人風骨茶樣
明開緘不但似見面叩之咳唾金石聲麴生勸人
隨巾幘睡魔遣我拖書冊老夫七枕病未能一啜
猶堪坐秋夕

荔枝堂夕眺

夕峯褪日半鉦多秋漢吹雲一絮過寂々庭松今
兩月鶴雛去盡只留窠

病骨秋臞怪暮清涼風偷帶北風輕迎寒窓隔重
糊遍只放書遍數眼明

閨年秋淺似秋深蟋蟀將愁傍砌吟今夕初三元
未覺西樓西角一鉤金

羅仲憲送葦菜謝以長句

學琴自有譜相鶴自有經蔬經我繙盡不見葦菜
名金華詩裡初相識王友尊前每相憶坐令芥孫
薑子芽一見風流俱避席取士取名多失真向來

許靖亦誤人君不見鄭花不得半山句却參曾直
稱門生

曲江重陽

煙描水寫老秋容嶺外秋容也自濃如見大賓新
露菊若歌商頌曉風松搏花醉照濂溪井吹髮慵
登帽子峯莫問明年衰與健茱萸何處不相逢

九日郡中送白菊

未應白菊減於黃金作鈿心玉作裳一夜西風開
瘦蕾兩年南海伴重陽若言佳節如常日為底寒
花分外香按藥浮杯莫多著一枝留挿鬢邊霜

擬題綿州推官廳六一堂

唐子西集載謝固為綿州推官推官之廨歐陽公生焉謝作六一堂求子西賦詩云即彼生處所館之與周旋予謂此非子西得意句也輒擬而賦之

一代今文伯三巴昔產賢
白珩光宇宙藍水暗風煙
有客曾高枕外堂見老仙
夢中五色筆猶為寫鳴蟬

擬進士金波廉鵷鵲詩

曳練為銀漢鎔金作月波
桂華斜照廉處鵷鵲得光

多雲乘三秋淨菱花一鏡磨宮檐暉水竹觀影澹
星河霧濕殘宵折霜明欲曉珂頭餘映在劍佩
已相摩

督諸軍求盜梅州宿曹谿呈乘景伯陳守
正溥禪師

南斗東偏第一山白頭初得扣禪關祖衣半似雲
來薄金鑰纔開霧作團一鉢可能盈尺許千年有
底萬人看今宵雪乳分龍焙明日黃泥又馬鞍

曉炊黃竹莊

染練江山宿雨餘枝枝葉葉潤如酥絲窠瓔珞消

多少破費天公百斛珠

琯灰藪藪歌飛聲日到牽牛第幾星
地底陽生人不覺燒痕未冷已青青

城中殊未有梅看莫是冬暄久
淺寒行到深山最寒處兩株香雪照冰灘

上岑水嶺

危峯上面更危峯特地無梯上碧空
遙望白雲生絕頂如今身在白雲中

天上雲泉脚下鳴玉虹倒掛客心驚
試教轉落峯頭石袞到深溪作磨聲

過岑水

石瘦銅苗綠溪腥膽水黃是間無馬跡何處更羊
腸惡路今方始平生夢未嘗如何寒刮骨行得汗
如漿

野炊白沙沙上

半日山行底路塗歌炊無店糴無珠旋將白石支
然鼎却展青油當野廬一望平田皆沃壤只生枯
葦興寒蘆風餐露宿何虧我玉饌瓊樓合屬渠

至節宿翁源縣興業景小酌

此縣誰言是強名古來十室亦琴鳴只嫌六七第

竹舍也有兩三雞大聲村酒分冬勝虛度霜風一
夜辨新晴半生客路逢佳節佳節何曾負半生

至日宿藍坑小民居竹柱荻壁壁皆不土
一路都岑寂藍坑分外荒屋疎茅送月壁窸荻分
霜病趾催趺坐殘更妬曉光暖寒無上策來早借
朝陽

曉晴過後藤逕

厭雨欣初霽貪程敢晏眠排天雙壁起受日一峯
先入逕惟逢樹無人況有煙藤深猿不見聲到客
愁邊

古路

我生倦行路此行欣不辭我豈與人異厭閑樂驅
馳王事當有行忘身那自知閩盜入吾部梅川作
潢池白羽飛赤囊碧油走紅旗履霜我不早蔓草
要勿滋士皆衝冠怒人挾報國私我行梅始花我
歸柳應絲會當揮螯弧一笑封鯨鯢休愁犖确路
即賦競病詩

野炊猿藤逕樹下

逕仄旁無地林開忽有天丹楓明遠樹黃葉暗鳴
泉苔錦銀槍竈蘆茸玉帳從軍古云樂乞與箇

山川

泉聲

初聞蟹眼雪花聲忽有仙人玉佩鳴時作微吟清
入骨又成幽咽怨多情問知古澗飛泉落起看寒
泓遶石行欲解塵纓聊一濯無塵可濯濯誰纓

羽檄召諸郡兵

閩盜宵窺粵南兵曉盡東軍聲動岩谷旗影喜霜
風貔虎諸方集撓搶一笑空區區鼠子輩不足奏
魯公

明發瀧頭

黑甜偏至五更濃
強起侵星敢小慵
輪與山雲能樣嬾
日高猶宿夜來峯

過烏沙望大塘石峯

城中長恨不見山
出城見山如等閑
曹溪過了過岑嶺
不惟山麤石仍獷
山如可師癩滿頂
石如陳三癭聯頸
一路令人眼不開
眼開令人悶不醒
烏沙未到一溪橫
水清見底心已清
大塘六峯爭出迎
水精筆架琉璃屏
兩峯玉筍初出土
三峯水盤釘角黍
新峯新琢金博山
霧作沉煙雲作縷
忽然前岡平截斷
萬丈青尖餘寸許
山神解憐客子愁

平地跳出蒼琳璆更借天公修月斧神工一夜忙
瑯鏤近看定何者遠看真可畫山神自賀應自詫
古來比地無車馬

竹魚

晨炊烏沙有賣竹魚者身首如鰯而厚鱗如
鯉而正綠如竹色云

銀魚色如銀竹魚色如竹渭川千畝秀可掬都將
染成一身綠魚生竹溪中家在竹根菱荇叢畫簷
竹葉與竹米夜飲竹露吹竹風前身王子猷今身
赤鯁公只知愛竹判却命化作此君蒼雪容漁翁